

DISSERTATIO MEDICA INAUGURALIS  
DE

# ICTERO COLICAE INVICTO

---

Q V A M

ADNVENTE NUMINE CLEMENTISSIMO  
RECTORE ACADEMIAE MAGNIFICENTISSIMO  
SERENISSIMO PRINCIPE AC DOMINO

DOMINO

ERN. AVG. CONSTANTINO

DVCE SAXONIAE IVLIACI CLIVIAE MONTIVM  
ANGARIAE ET WESTPHALIAE RELIQUA

---

SVB PRAESIDIO

MO. CHRISTIANI STOCKII

PHILOSOPHIAE ET MEDICINAE DOCTORIS

CHIMIAE ET PRAXEOS PROFESSORIS PVBLICI ORDINARII ET  
IMPERIALIS ACADEMIAE NATVRAE CVRIOSORVM COLLEGAE

H. T. GRATIOSI MEDICORVM ORDINIS

DE CANI

PRAECEPTORIS ET PROMOTORIS SVI PIE VENERANDI

---

PRO LICENTIA

SVM MOS IN ARTE SALVTARI HONORES LEGITIME OBTINENDI  
PLACIDO ERVDITORVM EXAMINI

DIE VI. APRILIS A. R. S. CIO MDCC LVII.

SVB MITTIT

AVCTOR

ALBERTVS IACOBVS HARRSCH

ESSINGENSIS.

VIENNAE LITTERIS MARGGRAFIANIS.

Digitized by the Internet Archive  
in 2019 with funding from  
Wellcome Library

<https://archive.org/details/b3078508x>





§. I.



Icterus est qualitatis mutatae symptoma, quo corporis humani color in praeternaturalem flauum, vel ad viriditatem inclinantem, vel fuluum, vel fuscum, seu ad nigredinem vergentem, transiit. Symptomati huic icteri nomen ab auicula, flauo colore praedita, quam icterum, item Galbulum appellarunt, impositum esse videtur. Alii idem hoc symptoma, quum in corpore humano auri, seu regis metallorum, colorem quodam modo exhibere soleat, auriginem, vel regium morbum, alii a flauo arcus coelestis colore morbum arcuatum vel arquatum nominarunt.



## §. II.

Praecipua in ictero correptis phaenomena sunt sequentia : Flaedo vel obscurior et ad nigredinem vergens color primo in albuginea oculorum tunica et circa tempora cernitur, hinc per vniuersum habitum cutaneum diffunditur. Vrina mingitur crassa et obscure rubra, chartam albam et linteamina alba ad instar croci tingens, sedimentum veluti argillaceum sistens, vel vrina ex viridi nigricans apparet. In aliis alui segnities vel adstrictio obseruatur, et, quando illius excretio sequitur, excrementa solito minus tineta, vel cineritia, vel albicantia apparent, in aliis contra diarrhoea biliosa occurrit, vel excrementa porracea, aeruginosa, vel nigricantia obseruantur. Pruritus aliquis totum adfecti corpus occupat, et quando ictericus aliquis sudat, sudor linteamina flauedine inficit. Interdum ipsa saliuu flaua excernitur, et omnia ore adsumpta saporem amaricantem habere videntur. Cephalalgia, sitis, lassitudo membrorum, fastidium, nausea, cardialgia, dolor compressius hypochondriorum et stomachi, in primis tamen violentae strictionis et tensionis sensus in hypochondrio dextro, anxietates, spirandi difficultates, in nonnullis vertigo, scotomia, lipothymia, syncope, adeo.

adeoque varia et saepe satis graua in iâtericis occurrunt symptomata. Febris autem vel nulla est iuncta, vel iâterum antecedit, vel iâterus feбри critice, vel symptomatice, superuenit. Iâterus autem alius remediis facile cedit, et breui cessat, alius facile reuertitur, et quidem interdum periodice, certasque horas durat, alius admodum diuturnus, et contumax est malum. Experientia quoque docet, quod iâterus flauus diuturnior tandem in nigrum abeat.

### §. III.

Excellentissimus atque Experientissimus Dominus PRAESES in iuvene iâterico, qui, dolorem capitis mitigandi fine, sibi in nucha vesicatorium applicare chirurgum suum iusserat, ex vesica aperta humorem lymphatico-ferosum veluti croco large tinctum, ipsaque linteamina alba statim flauo colore tingentem, effluere vidit, in femina autem valde plethorica, a mensium suppressione iâtero flauo correpta, administrata venae sectione, serum sanguinis e vena secta emissi deprehendit flauissimum. IOANNES SCHENCKIUS A GRAFENBERG *observationum medicarum rariorum Lib. III. de Iâtero Observat. I.* singularem de iâtero prodigioso casum recensuit. In vna nimirum iâterica CORNELIVS GEMMA semel quadruplicem



plicem coloris vicissitudinem obseruauit, sic tandem flauescente habitu corporis, vt vno temporis puncto et ungues, et labia, et crines, cum vniuerso habitu, coloris extreme fului atque aurei spectarentur: haec autem illi ab obstructis mensibus contigerunt. Non minus notatu digna sunt quae in DOLAEI *Encyclopaedia medica Lib. III. Cap. 8.* de viro quadragenario, iætero demortuo, cuius omnia abdominis et thoracis viscera, et cerebrum ipsum cum ossibus et cartilaginibus flauedine infecta sunt visa: item quae in KERCKRINGII *obseruat. anatom. 57.* de foetu puero leguntur, quem mater iæterica octauo grauidationis tempore mortuum quidem peperit, sed ita flauum, vt e cera flaua confectus puer, non partus humanus visus sit. Ad ossa, vbi peruentum, ea flauo humore ita tincta deprehendit KERCKRINGIVS, vt, si non ipse secuisset corpusculum, illudi sibi, atque arte tincta fuisse putasset.

### §. IIII.

Fluidum flauum, spissum, saponaceum, et amarum, in hepate secretum, vasisque propriis contentum, sub bilis nomine veniens, non solum decenti qualitate, sed sufficiente etiam quantitate e sanguine secerni debet, vt chylicationis negotium  
rite

rite succedat, vt parietes intestinorum canalis, vbi feces aluinae continentur, a putredine defendantur, et ne in aluo exoneranda stimulus deficiat, sed vt ipsa etiam bilis superflua vna cum fecibus aluinis e corpore humano eliminetur. Sub secretionis bilis beneficio autem massae sanguineae a superfluis sulphureis, salinis, in primis alcalicis volatilibus, itemque terreis, adeoque materiam ipsius bilis constituentibus particulis superfluis liberatio, et hoc pacto succedens laudati laticis vitalis depuratio comprehenditur (vi principiorum physiologicorum). Si itaque bilem constituens materia extra modum in massa sanguinea sit multiplicata, vt ab acinibus hepaticis, et poris biliariis non satis recipi possit, sed magna materiae biliosae quantitas cum sanguine hepaticas in venas transeat, et redeat per venam cauam ad totam massam sanguineam; vel naturali quidem quantitate in massa sanguinea existat, sed parum, vel plane non secernatur et excernatur; vel si materia biliosa ex sanguine praecipitata in lympham et serum transeat, adeoque tanquam materia saponacea a lymphâ et sero, vtpote fluidis aquosis, solvatur, et soluta intret vasa minima partium corporis humani solidarum, earum color naturalis mutatur in flauum, vel

ad



ad viriditatem inclinantem, vel fuluum, vel fuscum, seu ad nigredinem vergentem, prout bilis soluta et tingens vel adhuc est integra, vel a particulis alcalicis iusto copiosioribus, vel acidis, austeris, tartareis, aliisque, praeter naturam commixtis, corrupta. Non igitur mirandum est, si in diuersis indiuiduis, sub diuersisque circumstantiis, varias Medici practici species icteri obseruarunt. Scopi autem praefixi ratio non permittit, vt admodum variantes de ictero obseruationes omnes recenseamus, sufficit adhuc meminisse icteri viridis, cuius modi speciem grauissimis symptomatibus stipatam notauit PETRVS IOANNES FABER in *curatione* 71.

## §. V.

Quum in ictero adfectis flauedo, vel obscurior et ad nigredinem vergens color non solum in tunica oculorum albuginea et circa tempora cernatur, sed per vniuersum etiam habitum cutaneum diffundatur: olim labia, crines, ungues, omnia abdominis et thoracis viscera, et cerebrum ipsum, cartilagine et ossa flauedine tincta visa, salua, sudor, vrina, tanquam humores bile tincti in ictericis obseruati sint (§. II. et III.), quilibet, anatomicis et physiologicis imbutus principiis, perspicere potest, quod vasa



vasa, per quae tinctura biliosa ad partes solidas praeter naturam accedit, sint arteriolae minimae sanguineae, vascula nutrientia, secretoria, fecernentia, arterioso-lymphatica, vel neuro-lymphatica, arteriae lymphaticae, vascula serosa, et excretoria.

§. VI.

Materiam bilis in sanguine maxime multiplicant cibi sulphurei, et alcalini, butyri et pinguium, mellitorum, et aromatum abusus, cepae, allium, potus sulphureus, vinum hispanicum, Italicum, adustum, et medicamentorum aromaticorum abusus, ira et excandescencia frequentius admissa.

§. VII.

Bilis secretionem atque excretionem impediunt plethora inualescens, sanguinem vel bilem ipsam viscidiorum et crassiorum reddentia, ut vel in venae portae ramificationibus, vel in acinis hepaticis, vel in ipsis vasis et viis bili destinatis, obstructio locum inueniat, hinc omnia alimenta viscida, lenta, crassa, crebrius, vel frequentius adsumta, ut farinacea non fermentata, pisces, fumo indurata, lentescunt, pisa, fabae, acida, quae iusto copiosiores terreas ciborum particulas solutas magis inferunt, vel coagulant, vel

bilem ex sanguine praecipitant. Symbolam suam quoque conferunt motus defectus et quies nimia, tristitia longior, mensium, lochiorum et haemorrhoidum suppressio. Huc etiam pertinent austera et adstringentia, vel in vasis bilis secernentibus et ductibus biliariis vel in primis in ductu choledocho constrictionem tantam inducentia, ut bilis in duodeni cauum transitus intercipiatur, valde acria, emetica et purgantia fortiora, caustica, venenosam seu deleteriam qualitatem prae se ferentia, humores valde acres, vulnuscula ab animalibus humores emittentes acres possidentibus inflata, morsus animalis rabidi, omnesque spasmi, qui iam laudatis vasis et ductibus communicantur, siue occasione animi pathematis vehementioris, siue febris, siue inflammationis, siue vulneris, siue partus difficilis, siue spasmodorum dolorificorum vehementium ac diutius durantium in partibus aliis. In bilis etiam vasis secretoriis, secernentibus, et ductibus biliariis, seu vasis et viis bili destinatis, obstructionem efficiunt repletiones a calculis, vel vermibus, vel compressiones a flatibus, tumoribus vicinis, scirrhis, vel excrescentiis.

#### §. VIII.

Quemadmodum spastica vasorum bilis fecer-  
nen-



nentium seu ductuum biliariorum, in primis chole-  
dochi constriction transitoria esse, seu breue tantum  
tempus durare potest: ita etiam aliquando icterus  
breui cessat, immo interdum sine medicamentis  
adhibitis.

### §. VIII.

Quamquam antecedente paragrapho adserue-  
rimus, quod acris, deleteria, vel venenosa materia  
spasmodicam in vasis bilis secernentibus et ductibus  
biliariis constrictionem inducendo, qua bilis in ca-  
nalem intestinorum transitus intercipitur, icterum  
efficere queat, nulli tamen dubitamus, quin inter-  
dum etiam deleteria, vel venenosa materia bilem ex  
sanguine praecipitare, vel et hanc praecipitationem  
efficere et vna spasmodicam illam constrictionem  
inducere possit.

### §. X.

A variis itaque causis icterus proficisci potest  
(§. VI. seqq.), iam vero nos accingimus ad demon-  
strationem modi possibilitatis icteri colicae iuncti.

### §. XI.

Colica a nonnullis quidem in latiori sensu pro omni  
in canali intestinorum dolore sumitur, in sensu autem  
strictiori est dolor in abdomine vehemens in regio-

ne, vbi colon situm est, siue huius pars, et quidem vel circa initium, vel medium, vel finem, vel totum colon tensione, vel constrictione spasmodica laboret. Iam laudatum enim intestinum a dextro incipit inguine, supra et circa dextrum renem ad hepar adfurgit, et inde sub spuris costis ad sinistrum producit hypochondrium, cuius magnam occupat partem, mox tamen ad renem sinistrum et tandem ad os sacrum in rectum intestinum deuoluitur. Colicus itaque dolor in hypochondrio dextro, regione umbilicali, hypochondrio sinistro, in regione lumbari, et quidem praecipue in vna harum regionum, vel in pluribus simul adfligere potest. Potest tamen colica distingui a muscutorum abdominis et peritonaei doloribus, quum hi sint externae abdominis superficiei viciniore, colicus autem dolor sit profundior: ab hepatis et lienis doloribus, qui grauatiui et remissiores, coli contra dolores vehementiores esse solent: a dolore ventriculi, qui situm habet colo superiorem: a nephritide, quae magis constantem circa renis locum dolorem, qui plerumque secundum vreteris ductum successiue protenditur, femorisque huius lateris stuporem exhibet.



## §. XII.

Differunt etiam a se inuicem colica et ileus, quum colica sit dolor in abdomine vehemens in regione adfligens, vbi colon est situm (§. II.), ileus vero sit intestinorum tenuium in primis ilei dolor acutissimus, contumacissimam alui obstructionem, motumque intestinorum peristalticum inuersum coniunctum habens, vt tandem in intestinis contenta reiiciantur.

## §. XIII.

Tensionem in colo spasmodicam, vt in eodem dolor adfligat saepe efficiunt flatus, qui qualitate, vel quantitate, vel motu, vel pluribus ex his simul peccant. Qualitate peccant flatus, si sint vapores nimis viscerum, vbi cohaesione resistunt, quo minus satis expedite pergere possint, sed adcumulantur, nec tam prompte discuti possunt. Acres flatus particulis suis acerbis se insinuant fibris coli sensibilibus, hasque pungunt, vellicant, rodunt. Quantitate flatus peccant, si nimia copia generentur vel alimentorum, vel viscerum chymificationi et chyli-  
ficationi destinatorum culpa, vel si feces obicem posuerint, vel culpa atoniae canalibus intestinorum. Motu peccant, quando non satis expedite progre-

diuntur, culpa vel viscedinis, vel acrimoniae, si hac continue irritando constrictionem in quadam coli parte spasmodicam efficiant, vt non amplius decens maneat proportio inter copiam flatuum, et spatium, per quod transire et progredi debebant; vel motu peccant, si quantitate sua nimia sibi ipsis impedimento sint.

### §. XIII.

Humores viscidi et acres superficiei coli internae vel externae adhaerentes, aut in vasculis intra tunicas huius intestini subsistentes, irritationem, tensionem, vel constrictionem spasmodicam facile efficiunt. Viscedo adhaesioni, obstructioni et stasi, salium retentioni et concentrationi fauet, et debetur pituitosis, vel tartareis particulis, vel pituitosis et tartareis simul. Acrimonia alcalica, biliosa, acida, acido-biliosa, atrabilaria, falsa, tartarea, pun-gendo, morficando, lancinando, dolorem in colo inducere valet.

### §. XV.

Quantitate in excessu peccans humor congestionem et tensionem spasmodicam in colo omnino etiam occasionem praebere potest.

### §. XVI.



## §. XVI.

Motu peccant humores, si adfluxus sit iusto maior, vel stasim subeant, vel motus intestinus sit vitiatum, ut salinae et aereae particulae iusto copiofiore liberentur.

## §. XVII.

Deglutita non resolubilia, ut nuclei ceraforum, pelliculae et acini vuarum, scybala coaceruata et arida, vermes conglomerati, calculi in intestinorum canali geniti, humoribus pariter ac flatibus exitum pracludere, et efficere queunt, ut humores stagnando acriores fiant. Possunt tamen omnino etiam aliae res acres vel spasmodice irritantes colicam inducere, ut purgantia acria et drastica, venena, vermes quoque morficando et rodendo malum hoc inuitant.

## §. XVIII.

Hydrargyri, arsenici, saturni vapores partibus corporis humani viuentis adhaerendo et ad interiora penetrando humoribus possunt misceri, et cum iis circulationem subire, ut ad has illasue accedant partes solidas, hinc varias in corpore humano aegritudines, ipsosque coli dolores inferre queunt.

## §. XVIII.

Irritationes in colo spasmodicae dolorem sibi efficientes non solum tum contingunt, quando obiectum spasmodice irritans in ipso colo existit, et in hoc ortum est, sed obiectum eiusmodi etiam aliunde accedere, vel colon, propter aliquem nexum vel consensum cum partibus aliis, in consensum trahi, seu colo irritatio spasmodica a parte alia communicari potest. Mirum enim variarum in corpore humano partium solidarum consensum experientia et corporis humani fabrica probat. Canalis intestinorum cum aliis partibus, partiumque remotarum inter se, consensum luculenter exposuit STEPHANVS BLANCARDVS in *anatomia reformata, de anatome nervuorum*. Mediantibus aliis partibus vitiatis e. g. colon irritatione spasmodica adficitur in malo hypochondriaco, passione hysterica, nephritide, abscessu mesenterii, hepatis, lienis, vesicae urinariae, vel intestini recti, vasorumque haemorrhoidalium vitiis.

## §. XX.

Colica essentialis et idiopathica originem habet a causa, quae in ipso colo existit, ita, vt sit vna alteraue res adsumpta (exempli loco sit cibus et potus vitio-



vitiosus, purgans drasticum, venenum); vel obiectum spasmodice irritans in colo ortum sit. Colica sympathica originem ducit ab obiecto spasmodice irritante aliunde accedente (e. g. ab arthritide retrocedente, vel retropulsa, a podagra retrocedente, vel retropulsa, ab exanthematibus retrocedentibus, vel retropulsis), vel a parte, quam inter et colon ipsum consensus intercedit.

### §. XXI.

Si a flatibus in colo irritationem spasmodicam efficientibus colica dependeat, flatulenta audit; sin vero ab humore admodum acri intra coli cauitatem, vel in intestini huius substantia haerente, vel externae coli superficiei adhaerente, fibrae eius musculares et nerueae spasmodice irritentur, cum valde sensibili passione, colica spasmodica, vel conuulsiua vocatur.

### §. XXII.

Quum in spasmodica in colo irritatione sanguis congestus, vel biliosus, vel pituitosus humor accusari queat, colica alia dicitur sanguinea, alia biliosa, alia pituitosa. Quatenus massae sanguineae depuratio laesa in culpa est, vel propter scorbutum, vel luem veneream, colica alia scorbutica, alia venerea dici, omnino tamen

etiam contingere potest, ut propter vlcus in parte vicina, e. g. in mesocolo, humor purulentus acris, superficiei coli adhaerendo, ibique spasmodice irritando, colicae occasionem praebeat. Colica a malo hypochondriaco dependens hypochondriaca, a malo hysterico hysterica vocatur, et haec, itemque nephritica, ad colicam sympathicam recte refertur (§. XX.).

### §. XXIII.

Quemadmodum causa tensionem spasmodicam colo inferens est vel leuior, vel grauior, ita in colici doloris qualitate et gradu diuersitas occurrit. Si flatus pauciores tantum doloris obiectum constituent, vel pituita non acris sit materia peccans, tensio leuior dolorem grauatiuum inferre, a flatibus autem copiosioribus dolor magis distensiuus molestiam creare solet. Si vero in pituita salia sint concentrata, dolor pungens, rodens, vel terebrans, suboritur. Biliosus, acido-biliosus, atrabilarius, vel quomodocunque acris, vel austerus humor pungentem, lancinantem, vel lacerantem, vel contorquentem dolorem inducere valet. Lancinans, lacerans, item contorquens dolor in colica spasmodica seu conuulsiva est frequentissimus.



## §. XXIII.

Quum directio coli non sit vbique vna eademque, seu in partibus coli situs diuersus occurrat, dolor colicus alios in hoc loco, alios in alio excruciare potest, e. g. quum pars coli sub hepate transuersim ad hypochondrium sinistrum producatur (§. XI.), adeoque transuerso itinere ventriculi fundum perreptet, sub transuerso hoc situ dolor colicus ab haud paucis aegris percipitur, vel, quia colon magnam hypochondrii sinistri partem occupat (§. cit.), in quibusdam dolor colicus in hypochondrio sinistro sedem suam habet, in aliis tamen magis in regione lumbari (§. cit.) adfligit. Si in quadam laudati intestini parte dolor sedem suam figat, dolor colicus fixus dicitur; contra, si modo hanc, modo aliam coli partem occupet, dolor colicus vagus appellatur. Aliquando tamen accidit, vt dolor in pluribus coli partibus simul, vel per totum coli tractum adfligat.

## §. XXV.

Icterus et colica possunt sibi inuicem iungi vel ita, vt colica icterus, vel vt hic colicam efficiat.

## §. XXVI.

Concaua hepatis pars partim ventriculo, partim intestinis insidet (vi principiorum anatomicorum). Si itaque in colo feces, humores, et flatus, vel hi in primis sunt extra modum accumulati, et subsistunt, hinc et repletionem nimia resistunt, ut flatus per intestina tenuia ad colon non rite pergere possint, intestina flatibus turgida, in primis duodenum et colon, hepar et vasa biliaria comprimendo obstructionem inferunt, ut bilis non rite in duodenum fluere, nec decenter excretionem subire possit. Quae igitur in venae portae, eiusque ramificationum sanguine iam existebant particulae biliosae, etiamsi ad secretionem iam aptae erant, ex sanguine illo non secernuntur, sed per venas hepaticas ad reliquum sanguinem regurgitant, cum massa sanguinea circulantur, et a lymphâ et sero solutae intrant vasa minima partium corporis humani solidarum, ut harum color naturalis mutetur in praeternaturalem flauum (§. III.), adeoque icterus inducatur (§. I.).

## §. XXVII.

Hepaticus, cysticus, et choledochus ductus, fibris muscularibus et nerveis haud secus ac cystis fellea,



fellea, sunt praediti (vi principiorum anatomicorum): ergo spasmodicis pathematibus etiam sunt obnoxii (per principia pathologica). Si itaque in colica coli spasmī vehementiores ductus illos in consensum trahant, ab illorum, et in primis ex ductus choledochi constrictione spasmodica etiam bilis motus liber, et excretio intercipitur, et hinc iæterus est possibilis (§. III et I.). Admodum frequenter vero accidit, ut a colo, constrictionibus spasmodicis valde adfecto, eae tenuibus intestinis, propter arctum partium canalīs intestinorum consensum, communicetur, easdemque constrictiones spasmodicas duodenum ipsum simul patiatur, hinc choledochus ductus, intestini duodeni tunicis immersus, comprimatur, vel simul constringatur, hinc bilis in canalem intestinorum transitus atque excretio intercipiatur.

### §. XXVIII.

In colica igitur vehementiori, siue flatulenta, siue spasmodica, obstructio eiusmodi est possibilis, qua bilis decens in canalem intestinorum transitus, atque excretio impeditur, hinc biliosarum sanguinis venae portae partium ad totam massam sanguineam regurgitatio et iæterus sese excipiunt, (§. XXVI. XXVII. et XXI.) (§. III).

## §. XXVIII.

Icterus vero colicam producit, quando partes biliosae, quae cum tota massa sanguinea commixtae per vniuersum aegri corpus circulantur, ad fibras musculosas et nerueas coli appellentes in vasculis coli subsistunt, vel cum lymphâ in colo secretæ superficiei huius intestini adhaerent, ibidemque irritationem spasmodicam, spasmos in colo dolorificos, adeoque coli dolores efficiunt (§. XI.). Nulli tamen dubitamus, quin in ictero quodam, ab impedita bonae notæ bilis secretionē orto, chyloficationis læsio humoribus in canali intestinorum crudis, viscidis et acribus, mineræ flatuum, et flatibus ipsis occasionem in tantum præbere queat, ut etiam colica oriatur.

## §. XXX.

Ex icteri phaenomenis, et coli doloribus descriptis (§. II. XI. XXII. et XXIII.) diagnosi icteri colicæ iuncti obscura esse nequit. Quod vero attinet ad prognosin, adserere non dubitamus, quod icterus a colica flatulenta ortus, si tempestiue legitima, ac prudens medendi ratio adhibeatur, non facile sit cum magno vitæ periculo coniunctus, a colica autem spasmodica



modica seu conuulsiva, in primis occasione febris exanthematicae, vel malignae, vel podagrae retrocedentis, vel retropulsae, ortus facile vniuersum genus neruosum in consensum, et funestum post se trahere euentum possit. Icterus colicam spasmodicam efficiens omnino etiam, vniuersum genus neruosum in consensum rapiendo, tristem portendit exitum. Icterus, qui bilis chylicationem valde laedente colicae occasionem dedit (§. XXVIII.) perquam facile magnam cachexiam, icterum nigrum, hydropem, et tandem mortem post se trahit. Sin vero sequatur diarrhoea, vt per excrementitiarum partium excretionem sufficientem facta depuratio partium humores constituentium proportionem et crasin satis bonam restituat, ad salutem transitus fieri potest.

#### §. XXXI.

Icterus colicae iunctum curandi ratio pro causarum diuersitate omnino ineunda erit, et symptomata sunt corrigenda, ac remouenda.

#### §. XXXII.

Si a colica, in fecibus, humoribus excrementitiis, flatibus, in colo subsistentibus, originem habente, icterus dependeat (§. XXVI.), ante omnia adplicandus,

candus, et pro re nata, repetendus est clyster ex emollientibus, discutientibus, carminatiuis, aluinam-que excretionem promouentibus, compositus e.g. ex rad. alth. foenic. ebuli, leuistici, herba chamomillae vulgaris cum toto, parietar. rut. melilot. baccis iuniperi, sem. lini, foen. Gr. et caricis pingui. cum s. q. aquae simpl. decoctis, colaturae oleo rutac. chamom. cocto, anethino, castorino, electuar. diacathol. et sale Sedlizensi, additis. Pro vsu vero interno iusta dosi adhibeatur mixtura ex Eff. Carlinae, cort. Oant. castor. spiritu Ori dulci, et tantillo spiritus salis ammoniaci anisati praescripta. Interponatur pulueris vsus, ex lap. 69, ppt. ☿ ☉ solat. ♂ diaph. 33ri et momento pulueris castorei, praescripti. Nec negligenda est adplicatio linimenti oleosobalsamici ex oleo chamomillae cocto, rutaceo, anethino laurino, castorino, nucistae expresso, balsamo Peruviano, et oleis destillatis origani, menthae, carui et succini, addita camphora. Superimponi possunt sacculi ex rad. zedoar. calami arom, ebuli hb. origani, menth. chamom. Rom. bacc. laur. sem. carui et sale decrepitato praescripti.

### §. XXXIII.

In colica spasmodica interne quidem profunt pulueres ex lapidibus 69. citratis, puluere epileptico  
Mar-



Marchion.  $\frac{7}{8}$  Bolat.  $\odot$  depur. 33ri.  $\frac{3}{4}$  diaph. et aliquot  
olei bezoardici WEDELII guttulis compositi, saepe  
tamen egregiam vtilitatem praestant emulsiones ex-  
sem. melon. cucumer. papav. alb. amygdalis dulc.  
ambros. excort.  $\nabla \wedge$  scord. chamomill. flor. sambuci,  
tiliae, et ceras. nigr. praescriptae, colaturae pulue-  
re epil. Marchion. bezoard. miner. et camphorae  
gr. iß. additis. Clysteres adhibendi sunt ex rad. alth.  
lil. alb. glycyrrhiz. hb. veron. violar. chamom. vul-  
gar. summit. aneth. flor. samb. papav. rhoead. sem.  
lini, caricis pingu. cum s. q. lactis decoctis, cola-  
turae addita larga olei amygdalor. dulc. quan-  
titate. Profunt etiam olea paregorica et sacculi  
paregorici.

§. XXXIIII.

Si vero colica et icterus a febris exanthemati-  
bus dependeant, clysterum vsus est suspectus. Vid.  
Excellentissimi atque Experientissimi D. D. Praesidis  
prolusio huic dissertationi meae praemissa.

§. XXXV.

Caussa itaque fouens semper est respicienda.  
Si enim a febris, a nephritide, a passione hysterica, etc.  
colica et icterus habeant originem, omnia haec ex  
loculis suis curanda sunt.

## §. XXXVI.

Si icterus colicam efficiat, ille erit vel calidus, seu cum febris coniunctus, vel ab alio morbo, vel symptomate dependens. Si sit calidus, seu cum febris coniunctus, methodus temperans et spasmis prospiciens seligenda, si ab alio morbo vel symptomate dependeat, omnino morbi, vel symptomatis diuersitas aliam atque aliam curandi rationem postulat, sed tempus et circumstantiae non permittunt in tractatus operas excurrere.

## §. XXXVII.

Symptomatum mitigationem et remotionem secundum caussarum rationes diuersas determinandam, et diaetam caussis contrariam instituentem esse, quis est, qui non intelligat, atque perspiciat?

*S. D. G.*







DIGNISSIMO MEDICINAE  
DOCTORANDO

ALBERTO IACOBO  
HARRSCH

S. D.

PRAESES.



TE, DIGNISSIME DO-  
MINE DOCTORANDE,

*inter et me simulationem intercedere posse,  
vix unquam TIBI persuasum habebis,  
quum magna inter nos consuetudo negari*

nequeat. De optimis igitur virtutibus T V I S  
 satis certus factus non possum non in spem  
 venire, fore, ut summa industria T V A,  
 cum vera pietate coniuncta, optimos quosque  
 fructus exhibeat. Quos itaque capeffis ho-  
 nores ex animo gratulor, et prorsus confi-  
 do, T E Deo et patriae non contemnenda  
 praestitutum esse officia, quae ut omnis ge-  
 neris felicitatem connexam habeant, pro eo,  
 quem T I B I semper conseruabo, amore  
 Deum fatigabo precibus ardentissimis. Va-  
 le, et amare perge T V I studiosissimum.  
 Dab. d. III. April. A. R. S. CLO DCC LVII.



CLARISSIMO ATQVE DOCTISSIMO  
DOMINO DOCTORANDO  
ALBERTO IACOBO HARRSCHIO  
FAVORI ATQVE AMICO SVO AESTVMATISSIMO

S. P. D.

IEREMIAS DANIEL BREBIZ,

ROTENB. FRANCVS.

MED. DOCTORANDVS OPPON.

**H**aud exiguus est qui in me redundat honor, nec parua, quam inde haurio, voluptas, quod me e numero dissentientium esse volueris. Magni hanc aestimo occasionem, qua publice amorem, quem TIBI debeo, testificandi mihi datur facultas. Animi TVI sinceritatem, morum suauitatem, ingenii alacritatem, et qua erga omnes fere uti soles, humanitatem nunquam non miratus sum, hinc iam dudum, qua intimiorem TECVM inire possem amicitiam, quaesivi occasionem. Doctum hoc TVVM specimen inaugurale, quod orbi erudito communicasti, nouum est TVAE satis iam cognitae atque comprobatae industriae testimonium, hinc et praemia atque mercedem meritis TVIS sane non exiguis dignam mox obtinebis. Gratulor hinc TIBI in antecessum de honoribus doctoralibus mox abs TE capessendis et opto, ut omnia et in posterum ex voto TIBI succedant. Gratulor patriae de Ciue atque Medico doctissimo; Gratulor parentibus de filio dignissimo. Ceterum et me in posterum quoque TVAE ut commendatum habeas beneuolentiae atque amicitiae, est quod maxime rogo, consecro. Vale. Dabam Ienae d. XXXI. Martii MDCCLVII,

PRAENOBILISSIMO AC DOCTISSIMO  
**MEDICINAE DOCTORANDO**

S. P. D.

F. C. G. SCHEIDEMANTEL, Isenac.

OPPONENTS.

**M**agna laetitia, multoque gaudio afficior, quum TVA  
 erga me amicitia sese tam praeclare ostendat,  
 cum opponentis munus in me benigne contuleris.

Gratias TIBI ago, quas possum maximas pro eximio huius  
 amicitiae specimine. Summas in arte salutari laudes atque  
 honores TIBI comparans acquiris simul fructus diligentiae  
 TVAE dulcissimos. Expectat TE patria, festina itaque ut  
 desiderio eius satisfacias. Festina, ut parentum TVORVM  
 deliciae et aegrorum solatium esse possis. Meum itaque est,  
 ut TIBI in acquirendo tanto honoris gradu omni animi  
 observantia gratuler. Faxit Deus immortalis, ut TV tan-  
 dem aliquando numerum eorum augeas, qui in arte saluta-  
 ri celeberrimum nomen nacti sunt. Quod ad me attinet, TE  
 etiam atque etiam rogo, ut favore TVO atque amore me  
 prosequaris atque amicitiam erga me TVAM per omne  
 tempus conserues. Ienae d. VI. Aprilis. M DCC LVII.



CLARISSIMO AC DOCTISSIMO DOMINO  
DOCTORANDO

ALBERTO IACOBO HARRSCHIO

FAVORI ET AMICO SVO HONORATISSIMO

S. D. P.

I. C. F. STOCK, Ienensis,

DISSENTIENTIS MVNERE FVNGENS.

**Q**uam ex consuetudine, et amicitia TV A, summi aestimanda pretii, semper me percepisse voluptatem laetor, hanc TIBI laetitiam meam TIBI testificandi occasionem me audissime non solum expectasse, sed nunc quum mihi contigerit eam oblatam esse, nec eam arripiendam praetermittere TIBI persuadeas. Haud vulgare TV AE erga me beneuolentiae per humanissimam ad actum disputatorium inuitationem signum mihi patefecisse eo magis laetor, quo aptiorem nunc TV A iam probata eruditio, qua nunc publico TE commendas, gratulandi occasionem mihi offert. Verae imprimis felicitatis genera animi sinceritas in votis habere iubet. Ex animo igitur gratulor dignissima in TE conferenda praemia pro diligentia et morum integritate, qua flores, et accipiendos honores eo magis splendere video, quibus ut per longissimam annorum seriem perfecta floridus sanitate fruaris. Nullum unquam nuntium maiore percipiam voluptate, quam qui de TV A salute rerumque TV ARVM felici successu me certiores faciet. Reliquum amicitiae nostrae vinculum, cui me totum trado, ut consuetudine TECVM iuuissima soluta haud abrumpendum putes, nec ulterius ea me dignari dubites, obseruantissime peto. dabam Ienae die III. nonar. Aprilis.

PRAE-

PRAENOBILISSIMO ATQVE DOCTISSIMO  
DOMINO  
MEDICINAE DOCTORANDO

AMICO SVO AESTVMATISSIMO

S. P. D.

IOHANNES LAVRENTIVS IACOBVS  
THIERINGER,

HALA SVRVVS, MED. CVLT. OFF.

**I**ndefessum in quocunque genere literarum studium cum mira-  
morum suauitate elegantia atque eximia mansuetudine a-  
tenderis ad hoc usque tempus arētissime a TE connexum,  
nonsolum Praeceptores, sed omnes, qui TE norunt, in TVI  
aestimationem et amorem traxerunt. Quid mirum? me quoque  
ex horum numero fuisse, qui Iuuenem eximiis talibus virtuti-  
bus exornatam quam maxime diligenter, quum prima cogni-  
tionis fundamenta ex uno fonte hauserimus, et ab hinc pluri-  
bus annis amicitia nunquam interrupta inter nos intercesserit,  
quae nos ad Musas salanas translato quotidie strictioribus  
vinculis tenuit. Insigne illud amicitiae specimen nūnc TIBI  
edere placet, me dignum iudicans, cui munus opponentis iniun-  
geres eo ipso tempore, quo actus demonstras, spem de TE con-  
ceptam nos non fallere. Gratulor igitur TIBI de mox TIBI  
conferenda summa Medicinae dignitate, illustri diligentiae spe-  
cimine, Deumque supplex oro vt laude dignis conatibus TVIS in  
posterum propitius adesse velit, ut omnia in sui gloriam, mul-  
torum mortalium salutem, atque optimorum parentum  
gaudium TVI que ipsius commodum cedant. Valeas  
meque porro amore prosequi haud dedigneris

